



Broj: 04-40-1-71/24
Sarajevo, 12.03.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 11.03.2024. do 08:30 sati 12.03.2024. godine

Dana, 11.03.2024. godine, u ranim jutranjim satima, jaki udari vjetra su u Kantonu Sarajevo prouzrokovali sljedeće štete:

- Na području Općine Trnovo u naselju Ostojići jaki udari vjetra odnijeli su limeni krov s kuće, koju vlasnik koristi povremeno. Također, je došlo do kratkog prekida u napajanju sa električnom energijom kod pojedinih potrošača. Vlasnik kuće je obavješten od Općinske službe civilne zaštite Trnovo o proceduri prijave nastale štete od jakog vjetra.
- Na području Općine Ilijaš u naselju Ljubina jaki udari vjetra odnijeli su limeni krov s ugostiteljskog objekta. Vlasnik objekta je obavješten od Općinske službe civilne zaštite Ilijaš o proceduri prijave nastale štete od jakog vjetra.
- Na području Općine Centar u ul. Fra Anđela Zvizdovića br. 1., zbog jakog udara vjetra pao je dio reklamnog panoa s krova jednog od UNITIC nebudera, koji nije prouzrokovao nikakve posljedice po ljude i materijalna dobra.
- Na području Općine Vogošća u ul. Spasoja Blagovčanina br. 12., uslijed jakog vjetra došlo je do lomljenja stabla velikog drveta koje je prijetilo da padne na vozila i građane. Odmah po prijemu navedene informacije od građanina, Kantonalni operativni centar civilne zaštite o istoj je obavijestio KJKP Park, koje je poslalo svoju ekipu na navedenu lokaciju da preduzme mjere na uklanjanju polomljenog stabla drveta.

U izvještajnom periodu Kantonalni operativni centar civilne zaštite primio je tri informacije o pronalasku NUS-a i to:

- dana, 11.03.2024. godine u 09:45 sati od Policijske stanice Novi Grad, da je u ul. Mustafe Buštalije čikma br. 31., pronađeno više komada ručnih bombi i municije;

- dana, 11.03.2024. godine u 10:07 sati od Policijske stanice Novo Sarajevo, da se u prostorijama KDZ-a MUP-a Kantona Sarajevo nalaze dvije ručne bombe;
- dana, 11.03.2024. godine u 10:17 sati od Policijske stanice Ilidža, da je u njihove prostorije doneseno pet ručnih bombi i dva rapa sa okvirom i municijom.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva ukloniti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su šest intervencija, od čega tri tehničke (dvije asistencije MUP-u Kantona Sarajevo nakon automobilskih udesa i jedna na otvaranju zaglavljenih vrata objekta) i tri požarne intervencije (gašenje zapaljenih kontejnera sa otpadom).

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljudi, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

JKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernom mjestu Bjelave je iznosila 7°C, relativna vlažnost zraka 82% a barometarski pritisak 934,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotans – Eurolines d.d., JP Željeznice Federacije BiH**, gradski, međugradski i željeznički saobraćaj se odvijaju po ustaljenim redovima vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a